

肥鄉縣志卷之二

星野

州甫判九次何以躡冀方晉未分三野胡為有趙國而
且王良傳說名取後人郎官羽林制非皇古義難強附
事涉不經地况處於偏隅天豈容有私覆然而日中星
鳥日永星火宵中星虛日短星昴授其時於虞書維南
有箕維北有斗東有啟明西有長庚辨其方於周雅吉
凶水旱玩占則歷歷相符氛祲妖祥望氣則昭昭不爽
成形成象志天官者莫謂天道之常好雨好風順民情
者宜顧民瘼之長志星野

肥鄉縣志

卷二

星野

北斗

主第五星

五緯

主辰

五車

主天獄

十二國

主趙

天市垣

主趙在垣左第二星從南門數之則為第七星

二十八宿

主昴

附步天歌

昴七星一聚實不少阿西月東各一星阿下五黃天陰名陰
下六烏芻葦營營南十六天苑形河裏六星名卷舌舌中黑
點天讒星礪石舌旁斜四丁

宋兩朝天文志昴七星距西南星去極七十度天阿一
星入胃宿十度月一星入昴五度天陰五星入胃宿七
度天苑十六星入昴宿七度半芻葦營六星入婁宿十
一度卷舌六星入昴宿初度天讒一星入昴宿半度礪

肥鄉縣志

卷二

星野

二

石四星入昴宿六度昴畢之間為天街積水入昴宿初
度

史記趙地昴畢之分野昴曰旄頭天之耳目也

爾雅大梁昴

孫炎云日月五星出入要路若津梁

陳卓分度自胃七度至畢十一度為大梁於辰在百越
之分野屬冀州

周禮保章氏以星土辨九州之地所封封域皆有分星
釋曰昴畢冀州

山河兩戒圖胃昴畢星曰大梁宮曰金牛辰曰酉州曰
冀為趙分

摘輔象曰九州繫于三台冀州屬錯

中台之下
下台之上

附舊志

易曰觀乎天文以察時變自伏羲分五方主星東房主
之西昴主之而後之測天者咸本諸此堯典日短星昴
以正仲冬辨方定歷昴爲至重爾雅釋星昴爲大梁春
秋元命苞云昴畢散爲冀州分爲趙國肥屬趙其主昴
無疑第昴之正星七而座中星尙有八爲度十一不有
定分休咎何以占之唐李淳風曰七星實主北葵城若
問度分有趙名是度分宜辨也而舊志以郡之七度概
之可乎按魏太史令陳卓言郡國所入宿度魏郡入昴

星野

卷二

星野

三

一度肥割斥丘於曹魏時屬魏郡天文細分指掌圖肥
鄉入昴一度此說近之天市垣分野垣左第二星屬趙
象緯考以爲第十星屬趙此觀者之南北各異耳北斗
之分石氏以爲第五玉衡星屬趙晉天文志以爲第六
開陽星屬趙舊志以爲主第一樞星謬矣十二國主大
梁二星五緯主辰見晉天文志及劉文成五行吟舊志
兼填星亦誤又三台主於錯五車五星其東北星曰天
獄主辰主燕趙舊志闕如柱史有言不窺牖知天道陳
希謩曰天文之學帝王得之以治世聖賢得之以寫運
儒者得之以格物如天干壬主趙地班固指爲成己地

支酉主趙地班固指爲辰所爭豈止毫釐哉今悉依諸
書訂正以俟後之知天者